

Վարչության պետը՝

1. Կազմակերպում է ՀՀ Վայոց ձորի մարզի համայնքների վարչական սահմանների փոփոխման վերաբերյալ առաջարկությունների՝ սահմանված կարգով Կառավարություն ներկայացումը լիազորված մարմնի միջոցով.
2. Կազմակերպում է տարածքային հատակագծման ուրվագծի և նախագծի մշակման համար լիազոր մարմինների կողմից կազմված առաջադրանքի համաձայնեցման գործընթացը.
3. Կազմակերպում է Մարզի բնակավայրերի գլխավոր հատակագծերի կազմման, համայնքների գոտիավորման նախագծերի մշակման, գլխավոր հատակագծերի նախագծման առաջադրանքների և նախագծային փաստաթղթերի համաձայնեցումների գործընթացը, ինչպես նաև բնակավայրերի գլխավոր հատակագծերի, գոտիավորման նախագծերի իրականացման նկատմամբ վերահսկողության աշխատանքները:
4. Կազմակերպում է հաստատված քաղաքաշինական ծրագրային փաստաթղթերի բացակայության դեպքերում՝ կառուցապատման նախագծի ճարտարապետահատակագծային առաջադրանքի և քաղաքաշինական գործունեության նպատակով համայնքների ղեկավարների կողմից ներկայացված հողհատկացումների առաջարկությունների համաձայնեցման գործընթացները.
5. Կազմակերպում է ստուգումներ տեղական ինքնակառավարման մարմիններում համապատասխան համայնքի վարչական տարածքում ինքնակամ և քաղաքաշինական ծրագրային փաստաթղթերին չհամապատասխանող շինարարության դեպքերի հայտնաբերման, ինչպես նաև քաղաքացիների դիմում-բողոքների հիման վրա.
6. Կազմակերպում է ՀՀ պետական բյուջեի միջոցների հաշվին մարզպետի աշխատակազմի պատվիրատվությամբ իրականացված աշխատանքների ավարտական, հանձնման-ընդունման գործընթացին առնչվող փաստաթղթերի (ակտերի) նախապատրաստումը.
7. Կազմակերպում է Մարզի բնակավայրերի պատմամշակութային հուշարձանների պահպանական գոտիների նախագծերի կազմման աշխատանքները.
8. Կազմակերպում է Մարզի համայնքներում աղետի հետևանքով, ինչպես նաև վթարային դարձած (բնակության համար ոչ պիտանի) բնակելի տների հաշվառման աշխատանքները.
9. Կազմակերպում է Մարզի տարածքում ջրամատակարարման, ջրահեռացման և գազամատակարարման խնդիրների առնչությամբ պետական կառավարման համակարգի մարմինների համապատասխան տարածքային

ծառայությունների գործունեությունը և համագործակցությունը տեղական ինքնակառավարման մարմինների ու բնակչության հետ.

10. Կազմակերպում է աղբավայրերի շահագործման հետ կապված աշխատանքները.
11. Կազմակերպում է պետական աջակցության ներդրումային ծրագրերով կառուցված բնակարանների անհատույց սեփականության իրավունքով հատկացնելու գործընթացը.
12. Կազմակերպում է մարզային (տեղական) նշանակության ճանապարհների կամուրջների, թունելների, այլ ինժեներական կառույցների շինարարության, պահպանման ու շահագործման աշխատանքների կատարումը.
13. Կազմակերպում է ավտոմոբիլային ճանապարհներին հարող տարածքներում կառուցապատման նպատակով համայնքների ղեկավարների կողմից ներկայացված հողհատկացումների առաջարկությունների և նախագծային փաստաթղթերի համաձայնեցումների գործընթացը պետական կառավարման լիազոր մարմինների հետ.
14. Կազմակերպում է պետական բյուջեով նախատեսված մարզային նշանակության ավտոճանապարհների ձմեռային ընթացիկ, ամառային ընթացիկ պահպանության և շահագործման աշխատանքները.
15. Կազմակերպում է Մարզում կապի, էներգետիկայի ոլորտների առկա խնդիրների բացահայտման և դրանց վերացման ապահովման ուղղությամբ պետական կառավարման համակարգի մարմինների տարածքային ստորաբաժանումների հետ համագործակցության և գործողությունների փոխհամաձայնեցվածության աշխատանքները.
16. Կազմակերպում է միջմարզային, ներմարզային, ինչպես նաև ներհամայնքային ավտոբուսային կանոնավոր փոխադրումների երթուղային ցանցերի համաձայնեցման գործընթացը.
17. Կազմակերպում է Մարզի հողային հաշվեկշռի կազմման աշխատանքները.
18. Կազմակերպում է համայնքներում հողերի օգտագործման տրամադրման մրցույթների կազմակերպման և անցկացման նախապատրաստական գործընթացներին առնչվող աշխատանքները.
19. Կազմակերպում է համայնքներում գտնվող պետական և համայնքային սեփականություն հանդիսացող հողամասերի տրամադրման, հետ վերցնելու, հողամասերի վարձավճարների գանձման նկատմամբ վերահսկողության աշխատանքները.
20. Կազմակերպում է համայնքների վարչական սահմաններում ընդգրկված՝ նախկինում համայնքների վարչական սահմաններից դուրս

գտնվող պետական սեփականություն հանդիսացող հողամասերի օտարման և օգտագործման տրամադրման համաձայնությունների տրամադրումը.

21. Կազմակերպում է Մարզի վարչական սահմանների սահմանանիշերի, գեոդեզիական և այլ հատուկ տեղեկատվական նշանների և կետերի պահպանման նկատմամբ վերահսկողության աշխատանքները.
22. Կազմակերպում է համակարգում է Վարչությանը վերապահված լիազորությունների շրջանակներում Մարզի տարածքում մարզային համապատասխան ծրագրերով նախատեսված արտակարգ իրավիճակների հետևանքների վերացման, տարերային և տեխնոլոգիական աղետների կանխման, վտանգի նվազեցման և հետևանքների վերացման ուղղությամբ աշխատանքները.
23. Կազմակերպում է Մարզի քաղաքացիական պաշտպանության բնագավառում Վարչությանը վերապահված գործառույթների իրականացումը: